



ქალაქ ფოთის მუნიციპალიტეტის საკრებულო



განკარგულება № 6/10

2020 წლის 29 აპრილი

ქალაქი ფოთი

ქალაქ ფოთის მუნიციპალიტეტის საკრებულოს წევრის, საკრებულოს თავმჯდომარის ირაკლი კაკულიას პირადი განცხადების საფუძველზე უფლებამოსილების შეწყვეტის საკითხის ცნობად მიღების შესახებ

ქალაქ ფოთის მუნიციპალიტეტის საკრებულოს წევრმა (საკრებულოს თავმჯდომარე) ირაკლი კაკულიამ 2020 წლის 10 აპრილს განცხადებით (განცხადების საკრებულოში რეგისტრაციის თარიღი: 10.04.2020 წელი, რეგისტრაციის N01/117) მომართა საკრებულოს თავმჯდომარის მოვალეობის შემსრულებელს და ითხოვა საკრებულოს წევრის (მათ შორის საკრებულოს თავმჯდომარის) უფლებამოსილების შეწყვეტა.

საქართველოს ორგანული კანონის „ადგილობრივი თვითმმართველობის კოდექსის“ 43-ე მუხლის პირველი პუნქტის „ა“ ქვეპუნქტის შესაბამისად, მუნიციპალიტეტის საკრებულოს წევრს უფლებამოსილება ვადამდე უწყდება პირადი განცხადების საფუძველზე, ხოლო ამავე მუხლის მე-4 პუნქტის შესაბამისად, მუნიციპალიტეტის საკრებულოს წევრი უფლებამოსილების პირადი განცხადებით მოხსნის შესახებ წერილობით აცნობებს მუნიციპალიტეტის საკრებულოს თავმჯდომარეს. მისი უფლებამოსილების შეწყვეტის მომენტად ითვლება შესაბამისი განცხადების რეგისტრაციის მომდევნო დღე.

ამდენად, საკრებულოს წევრს (საკრებულოს თავმჯდომარე) ირაკლი კაკულიას 2020 წლის 11 აპრილიდან შეუწყდა უფლებამოსილება.

ამასთანავე, საქართველოს ორგანული კანონის „ადგილობრივი თვითმმართველობის კოდექსის“ 43-ე მუხლის მე-3 პუნქტის შესაბამისად, საკრებულოს წევრის უფლებამოსილების შეწყვეტის ფაქტის შესახებ ინფორმაციას მუნიციპალიტეტის საკრებულო ცნობად იღებს და აფორმებს საკრებულოს სხდომის საოქმო ჩანაწერით.

„ქალაქ ფოთის მუნიციპალიტეტის საკრებულოს რეგლამენტის დამტკიცების შესახებ“ ქალაქ ფოთის მუნიციპალიტეტის საკრებულოს 2014 წლის 24 დეკემბრის №21/56 დადგენილებით დამტკიცებული რეგლამენტის მე-13 მუხლის მე-4 პუნქტის „ა“ ქვეპუნქტის, მე-6 პუნქტის შესაბამისად, საკრებულოს წევრის უფლებამოსილების პირადი განცხადების საფუძველზე ვადამდე შეწყვეტის შესახებ გადაწყვეტილებას, საკრებულო იღებს ცნობის სახით კენჭისყრის გარეშე.

აღნიშნულიდან გამომდინარე:

მუხლი 1.

1. ცნობად იქნას მიღებული საკითხი, 2020 წლის 11 აპრილიდან ქალაქ ფოთის მუნიციპალიტეტის საკრებულოს წევრის, საკრებულოს თავმჯდომარის ირაკლი კაკულიას პირადი განცხადების საფუძველზე უფლებამოსილების შეწყვეტის შესახებ.

2. აღნიშნული მუხლის პირველი პუნქტით გათვალისწინებული ინფორმაცია გაფორმდეს საკრებულოს სხდომის საოქმო ჩანაწერით.

მუხლი 2.

საქართველოს ზოგადი ადმინისტრაციული კოდექსის 52-ე მუხლის მე-2 ნაწილის, საქართველოს ადმინისტრაციული საპროცესო კოდექსის 22-ე მუხლის მე-3 ნაწილის, საქართველოს ზოგადი ადმინისტრაციული კოდექსის 178-ე მუხლის შესაბამისად, აღნიშნული განკარგულება შეიძლება გასაჩივრდეს დაინტერესებული მხარის მიერ გაცნობიდან ერთი თვის ვადაში, ფოთის საქალაქო სასამართლოში (მისამართი: ქალაქ ფოთის მუნიციპალიტეტი, დავით აღმაშენებლის ქუჩა №3).

მუხლი 3.

განკარგულება ძალაშია 2020 წლის 29 აპრილიდან.

საკრებულოს თავმჯდომარე



ბექა ვაჭარაძე